

BiH izjednačile u svojim pravima s pravima majki u entitetu RS, to jest u Bosni i Hercegovini.

Zahvaljujem.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		28-07-2025	
Org. jed.	Broj	Priloga	Vrijednost
051	02-	365	25

PREDSJEDAVAJUĆI:

Hvala lijepo. Ministar Delić, izvolite

min. **ADNAN DELIĆ:**

Zahvaljujem predsjedavajući i pozdravljam sve zastupnice i zastupnike.

Pitanje vezano za sastanak koji je održan u Federalnom zavodu PIO, a između direktora i predstavnika Saveza, mislim da je u pitanju član Upravnog odbora zavoda PIO je nešto što se, naravno dešava i nema nikakve smetnje da bilo ko razgovara o bilo čemu i najmanje ćete vidjeti da sam se ja oglašavao po pitanju izmjena i dopuna zakona, jer smatram da je izuzetno važno odgovorno komunicirati i ne davati bilo kakve izjave koje nisu u skladu sa onim što se dešava u restornom ministarstvu ili Vladi Federacije BiH.

Zavod PIO nije institucija koja donosi i koja se bavi izmjenom i dopunom zakonske regulative, ali naravno, obzirom da provode sve ono što se tiče zakona, imaju pravo i da sugerišu, daju prijedloge, da razgovaraju o mogućim izmenama i dopunama zakona. Kao što znate, priethodno je bila formirana radna grupa koja je radila na izmjeni i dopuni zakona o PIO. Nažalost, ta grupa nije uspjela da postigne konsenzus.

Iako smo imali dogovor sa predstavnicima Saveza penzionera, predstavnici Saveza penzionera u toj radnoj grupi nisu ispoštovali ono što se dogovorilo. U međuvremenu je jedan od članova te radne grupe preminuo i ta grupa je raspuštena. Drago mi je evo da danas imamo tačku dnevnog reda na kojoj ćemo razgovarati o svemu, pa i ovome, tako da ne bi dalje širio ovu priču.

Što se tiče određenih prava koja imaju korisnici u drugom entitetu ili bilo gdje drugo, ima ih mnogo korisnika koji imaju jedna prava u jednom, druga prava u drugom entitetu. Mogu slobodno da kažem da nismo imali neke kontakte sa resornim instarstvom u Republici Srpskoj i nismo nešto posebno razgovarali o nekim izjednačavanjima bilo kojih prava. Naravno, sva politička situacija je svakom građaninu u Federaciji države BiH poznata, pa i po tom pitanju. Ali što se nas tiče, naravno, uvijek smo spremni da našim korisnicima izađemo u suset na način da sva pitanja koja su eventualno u „sivoj zoni“ riješimo kroz zakon i ovo je idealna prilika da riješimo ove dugogodišnje probleme koje imamo u penzijsko-invalidskom sistemu i posebno u radno-pravnom zakonodavstvu. Svi ste vidjeli da smo po prvi put kao institucija objavili radni tekst Zakona o radu i dali priliku ne samo javnim institucijama, zastupnicima, delegatima nego svim građanima da komentarišu taj radni tekst. Radna grupa je završila, koliko znam, prijedloge i sugestije i kritike koje smo dobili na taj radni tekst.

Ja se nadam da ćemo unaprijediti između ostalog i prava majki posebno trudnica i porodilja u svakom smislu pa i u ovom i hvala vam na ovom pitanju i molim vas da pošaljete i pismeno pa da vam i pismeno odgovorimo na pitanja.

Hvala.